





無名封事卷之六

隴千慕天顏



恭謝 天恩 頒賜四書謝 恩

萬姓號恩 丹徒沙民輸派山民

請 旨 請開海禁

遵 旨敬陳 請大興水利

災軍困苦 徐州衛緩徵漕項

再陳災田 再請緩徵災邑漕糧

饑民望賑 賑濟常鎮二屬起行日期



恭報微旨

賑畢回署日期

亟叩題蠲

請蠲桃源淹溺丁田錢糧

東省連歲

報饑民名口賑數

瀝陳災屬

請災邑漕糧徵麥代米

奏

請

高

丹

恭

天


恩

賜

以

謝于蒙天恩賜以

奏





總理糧儲督軍務巡撫汪等處地方李少師部書兼都察院右副都御史從二品加二級臣慕天顏謹

題為萬姓號恩特疏請

命拯災黎之倒懸以廣

皇仁以固

國本事該臣看得臣屬地方上年旱蝗災荒窮簷絕食

饑困先于饑民望賑甚延等事案內荷蒙

皇上允臣題

請設廠賑粥事宜臣卽欽遵飭行各屬開賑在家第因災地饑民日衆而所請動支見展捐輸事例銀兩值此



歲歉民窮輸納寥寥臣日夜焦思冀圖多方接濟以

副

皇上軫恤斯民至意茲據鎮江府丹徒縣山區人民江大年等具呈懇令沙區輸粟助賑一事蓋因沙區田地

先年奉

旨遷徙園廢曾令山區之民撥給田房安插嗣後復沙生遂沙區幸有熟收而山區游饑見在嗷嗷求賑念當日沙民播遷藉山民之安插以免流離則今日山民被災亦望沙民之輸助以紓饑困同里患難相恤亦

屬報施之常今據布政使丁思孔詳覆前來臣查沙區復業田地蘆灘共計一千四頃有奇議令沙民每畝輸粟一斗冀可得米一萬四千餘石以報山民從前撥助田房之惠此亦以德報德較之昔年所得與今所出不及什之二三亦未責令沙民盡償原數也在沙民自當競相樂輸是亦賑饑之一助除一面飭令藩司照議舉行外相應

題明伏乞

睿鑒施行



康熙十九年正月十八日

題奉


旨該部議奏

臣等謹將所請補授本道辦之一出創一區繪  
今所出不及其之二三亦未嘗令必只蓋贊國燧也

臣等謹將所請補授本道辦之一出創一區繪  
今所出不及其之二三亦未嘗令必只蓋贊國燧也









廢而民力之輸納無復本色之供自兩稅之法行而  
國用之徵求惟以金錢爲急上下相尋惟乏金之是患  
也久矣然銀兩之所由生其途二焉一則礦礫之銀  
也一則番舶之銀也自開採旣停而坑冶不當復問  
矣自遷海旣嚴而片帆不許出洋矣生銀之兩途並  
絕則今直省之所流轉者止有現在之銀兩而已官  
司賴以支計商賈資以貿市人民恃以變通總不出  
此現在之銀數而且消耗者去其一堙沒者去其一  
埋藏製造者又去其一銀日用而日虧別無補益之




路用既虧而愈急終無生息之期如是則求財之裕  
求用之舒何異塞水之源而望其流之溢也豈惟舒  
裕爲難蓋匱詘之憂日甚一日將有不可勝言者矣  
然則由今天下之勢即使歲歲順成在在豐稔猶苦  
于穀賤傷農黠金無術何況流亡迭見災歉頻仍并  
此分內之收成尙在不可必之數乎于此思窮變通  
久之道不求之天降地出而一破目前之成例卽致  
永久之豐盈惟有一言以請之日開海禁而已矣蓋  
曠礫之開事繁而難成工費而不可必所取有限所  
傷必多其事固可無論也惟番舶之往來以吾歲出  
之貨而易其歲入之財歲有所出則于我毫無所損  
而殖產交易更足以鼓藝業之勤歲有所入則在我  
日見其贏而貨賄會通立可以祛貧寡之患銀兩旣  
以充溢課餉賴爲轉輸數年之間富強可以坐致較  
之株守故局議節議捐其得失輕重有不啻徑庭者  
矣然而議此者必謂海氛未靖方事勦除若一通洋  
勢多扞格則更請衡今昔事勢而言之揆故明海島  
諸國並許朝貢惟以倭彘曠悍絕不使通然而市舶



之往來于彼不廢故有舶商匿貨之禁原以專計泛  
海之船行之累朝深得其利其後雖有倭患原非兆  
于商舶也再以

本朝而言閩海之餘孽未殄也而荷蘭琉球等國之貢仍  
至也粵地之風帆接閩也而暹羅紅毛等國之貢自  
若也貢船本外彝所來猶且無礙商舶由內地所出  
翻謂可虞又事理之必不然者矣本司猶記順治六  
七年間隨任閩省彼時禁令未設見市井貿易咸有  
外國貨物民間行使多以外國銀錢因而各省流行







務新部院批開弛海禁以致財源允爲萬世良圖不僅一時生財之計也本部院業已具疏并開礦事宜方陳

請矣該司條議或冊更見詳明仰候督撫部院批行繳各等因到司奉此該本司覆查得請弛海禁以致財源本司不過以管窺之見而謬陳一得之愚也捧讀院批籌畫精詳實媿不及今閩廣雖正在用兵所逋誅而逆顏行者僅鄭逆烏合數輩竊踞島嶼一隅而已且海濶天空諸國賓貢之船大川利涉年來帆檣相



望可知其于行旅無礙也至從來番舶貨物多在閩  
廣江浙沿邊止收魚鹽之利但閩廣有泉貨流通在  
內地自然日漸豐腴江浙有魚鹽之利民生亦可少  
蘇困苦雖裕餉之策不全資于此然民有生業而賦  
稅自無逋欠于

國不無小補也江南濱海地方口岸幾處作何汛隘稽  
防往昔有無巨賈出入曾否設稅議征查吳淞江劉  
家河福山港崇明狼山雲梯廟灣此皆沿海要衝今  
皆有官軍分汛稽防無庸再議

本朝二十餘年海禁甚厲從無巨商出入故未有設稅  
征惟廣閩諸國貢舶所帶貨物皆市舶提舉稽察  
其貿易收稅又考之海防一書萬曆初年福建巡撫  
龐尙鵬請開海禁准其納餉過洋則設稅議征又自  
故明已然矣

本朝沿海之地居民一遷再遷內江內河凡可通海口之  
處盡釘椿柵禁阻卽望洋而歎亦不可得自禁遷之  
後民生日促財用日竭爲今之計急欲民生不致困  
苦而又兵餉可足舍開海禁別無生財之源也頃奉



總河部院詳批首以弛禁爲

請矣本司芻蕘之言是否可採統候院臺鑒裁俯照前詳

會

題至于院臺公忠體

國憂勤爲懷自有嘉謀嘉猷入告我

后又非本司管窺所能及也等情詳覆到臣據此該臣看  
得理財之要不外乎生節二端而今裁省款目業已  
無遺是節之無可節矣若夫生財之道非問諸民則  
必取天地自然之利鑄山煮海管仲之所以富齊平

準塩鐵弘羊之所以裕漢斯固已然之效然皆因地  
因時致功所謂不惟其法惟其人也在今日塩課既  
已加增鼓鑄既已搜採而惟是礦山取銀之道每因  
費多獲少格議難行雖曰生生不匱積少亦必成多  
然銀之出于中國者有限而開採則利害兼之銀之  
出于外國者無窮而以有易無流通不竭從古海洋  
商船之利于民者莫大焉往時江浙閩廣之富饒倍  
于他省豈地產之獨厚乎要皆資于海外者源源而  
來也魚塩之利既爲沿海地方所固有而洋貨出入



必經其地每有一本而獲十利者或一船之所載貨  
盈百千萬緡試問直省中富商巨賈連檣貿易有此  
滿載重貨輕本大利乎民安得不富况白銀之行使  
于宇內日逐消耗沉淹爲必然之勢乃市舶之金錢  
得以繼其窮故常盈而不見其縮今則無地不嗟貧  
寡之患而江南尤甚何也江南之賦額重于他省也  
自禁海以來片帆不得出洋海外之生息既絕且多  
遷廢之苦腹內人民株守田舍耕鑿之外更無他望  
卽歲歲豐稔供正賦而餘粒無多食衆生寡能不坐  
致凋傷又况兵興至今徵求更急加之以災患因之  
以饑饉而猶不盡流亡溝壑者不知費幾許安全也  
民貧而期

國富豈不難哉今部臣籌餉不敷請

勅臣等速議陳奏臣才識疎拙曉夕細籌謂此經

國遠圖當集衆益不敢驟進臆說是以廣行諮訪據布  
政使丁思孔詳議請開海禁一策仍以事關重大再  
行酌議覆詳前來臣思海船通商誠有利益于民生  
蓋產地所出絲布藥材等貨原屬平常之物一至外



國得價數倍使外國之金銀歲入于我百姓賴以充  
裕賦餉藉以轉輸豈非生財之大源較之斤斤議節  
議捐不啻霄壤懸殊也但海禁重關軍

國在

廟堂之上屢議加嚴臣等職守封圻曷敢輕言弛禁然未  
兩綢繆要在邊疆自固其于洋船往來棄沙內徙實  
無關於得失臣請爲

皇上細陳之夫海禁之嚴也不過爲逆氛未殄恐內奸之  
接引登犯虐我民生又爲商船往還慮狡寇之飄突  
邀求耗茲貨殖耳殊不知沿邊出口各有定處海鯨  
原不能存在在近泊其口岸設有鎮將重兵一艘出入  
悉可點其人數稽其籍貫察其貨物毋容藏奸也而  
操本角利之民寄命風濤亟圖厚載以歸安肯長棄  
妻子家室而甘心蹈不測之禍且往者旣已籍筭人  
船回者亦能驗視名數倘有犯令夾帶又安能逃通  
賊之

國典若云勾引連鯨乘虛剽掠則凡可登岸之處列守  
悉防自足禦其衝突有何虛之可乘卽目今外洋間



有游魂飄忽原不因市舶之通而生發也茫茫巨海  
廣濶非常外國賓貢之船往來自若則商舶亦能瞭  
遠而鼠竄餘孽又何從扼有津要而攔阻之乎他省  
不敢具論臣惟就江南地勢揆度如吳淞劉河福山  
崇明狼山廟灣諸處要衝提鎮官軍星羅碁布我之  
隘防甚密彼之窺伺何來如以閩廣方在用兵江南  
不便開禁則編筏捕魚已久行而無弊矣雲臺復業  
亦歡呼于淮北矣近今廟灣小艇又許覓利于沿邊  
是閩廣之禁雖未撤而江南之開自無礙各省民情  
地利久在我

皇上洞照之中總之未禁之先不因通商而賊滋逞既禁  
之後不因商絕而逆自殲獨是二十年來可以厚收  
海外之金錢而坐棄之反將安享我疆之沙土而輕  
擲之爲甚可惜耳臣愚謂閩浙粵海禁之應開與否  
仍聽各督撫臣之確議尙或可待而江南一省民生  
日蹙財用日艱不開海禁困苦益深不得不冒昧上

請倘蒙

睿鑒俞允其間烙號編船察貨徵稅事宜與夫申嚴令甲



杜絕奸宄定貨物之禁例勘口岸之通塞另行逐一  
請酌妥請

命遵行外其稽督巡防必兼資于文武現在鎮將官兵足  
資分汛而抽分納課應責地方文職宜做廟灣現駐  
同知事例以蘇府海防同知移駐福山松府海防同  
知移駐吳淞揚府軍捕同知移駐狼山統聽道官彈  
壓亦毋庸添設冗員以滋糜費臣更有請者江南棄  
土沙雖已復業過半尙有界外未復之洲實則在大江  
口內而不在外洋遷民失業更爲可憫今若開禁并  
可勘令復歸故土墾種補課又係生財之一端而海  
船通商所資在天下之大百世之遠寧僅江南一隅  
足餉一時已哉臣謹會同總督臣阿席熙合詞密疏  
具

題伏候

睿裁施行

康熙十九年二月初七日

題



揚州府志

張

總理糧儲督糧務巡撫江寧等處地方太子少師兵部尚書兼都察院右副都御史從二品加二級臣慕天顏謹

題為遵

旨敬陳足

國久遠之圖仰祈

皇上採擇事臣惟

言國家歲入常賦原足供歲出之用而有餘即兵興以來

需餉殷繁我

皇上睿慮周詳決不令加賦于民而捐省並行廣開事例

酌增諸稅集寡成多于軍前糧餉曾無告匱秦楚間



粵已收勦蕩之功誠謂養民卽以裕無古圖黎黎  
皇國必使民生休遂方可效萬年百世之輸將也今部臣  
籌畫軍需不足請

旨宣行督撫陳奏亦祇以蠲賑所缺不得不行預計耳蓋  
盈詘之數不詘則無不盈當思所以詘之之故卽得  
取盈之道而今之所詘爲百姓困苦也百姓之苦爲  
災患洊臻也人言天災流行非人力所能挽救其說  
誠然臣獨謂異變奇災自不多見若果盡人事以弭  
天災未嘗無善策但應圖于機先不圖于臨時應計

具永遠不計其目前夫小民之輸賦者在農田而出  
功之失收者因水旱使旱不至于枯槁水不至于沉  
淪者非藉蓄洩之有方而何臣在江南十年矣頗悉  
江南之農事不敢漫言他省而卽以江南論江南賦  
甲天下又大半出于蘇松常鎮故亦姑不論通省而  
以蘇松常鎮論莫若大興水利而後可言足  
國富民也大興水利又必先費于今而後可收效于長  
久也康熙十年間正當九年大澇之餘臣任藩司建  
議開濬劉河吳淞二江經前撫臣馬祐具



題動帑挑浚建造石閘不一年而告厥成事十年以後  
蘇松常嘉湖杭六郡遇水旱不至大困卽康熙十五  
年淋雨連旬滔天水漲而皆不至重災有明徵已如  
去歲之旱赤地千里真百年所僅見乃逼近吳淞之  
華婁上三邑與嘉興一帶界連劉河之吳江嘉定仍  
不告災太倉崑山青浦災亦甚輕此數邑者上年禾  
嘗不早甚也當年開兩江費公帑十四萬金假使不  
開兩江則此數邑亦必如武無常等邑之顆粒無收  
矣錢糧一例蠲免寧僅十四萬則知陰受開江之利  
爲功甚鉅卽此一年之不告蠲者已足補昔年之所  
費從茲以往寧有量哉蘇之長吳距兩江最遠然以  
通邑計成災亦未及半再如無宜二縣水則受劉淞  
洩導震澤之益旱則不能分沾其潤常武江徒陽壇  
等處則與劉淞絕隔而本地之河道淹塞故致高低  
並災矣爲今日計臣屬蠲缺之數十萬另圖生計止  
在一時賑動之數十萬已開捐例自可償補而嗣後  
能保年年豐稔乎以窮困旣極之遺黎聽不可知之  
天道臣竊凜凜危懼焉惟是議興水利則必規畫孰



爲幹河當發帑以疏濬孰爲支河當勸民以引導又  
必幹河先通而後可從事于支河如常熟之白茆港  
福山港三丈浦江陰之黃田港申港武進之孟瀆河  
包港丹徒之安港西港皆係沿江通湖幹河最有益  
于農田而年遠淹廢者也內而無錫宜興可連太湖  
之河瀆甚多金壇丹陽可接練湖之水澤不少與夫  
太湖通七丫之運道其間淤塞者或數百丈或數十  
里約略興工開浚爲費三四十萬兩而又必相度地  
勢將所通河道建立石閘于要津之處以時啓閉遇  
旱納來潮以蓄去水遇澇洩內漲以遏外潮斯爲有  
益程工辦料又需數萬倘不惜此費在在疏築將見  
農力紓而水旱無虞我稼同而閭閻充實百姓足君  
孰與不足言豈誣哉考歷代之循吏無他異政每紀  
其廣渠資漑之績良有以也臣邇年非不時加講求  
修舉止因民力難勝鉅工而軍興旁午不敢請帑徒  
切憂惶但民患剝膚

國課日損與其災後請蠲請賑而議補苴不若一勞永  
逸以圖悠遠至于江北淮揚屢年災患沉淹昏墊病



在黃淮與江南之田疇實不相侔更非平常隄防蓄  
洩之可治若黃淮安瀾則當議涵洞分瀉之法潮汐  
迎導之方皆在平成以後之能事矣然則現今因賦  
詘而議生財反欲耗財而期補盈于後日不幾嗾臣  
之迂拙乎臣實謂生衆用舒當謀遠大且水利一興  
效在旦夕原非迂濶之見惟念工費斷難措給于公  
帑則舍捐輸一途更無別法臣思現展賑濟事例補  
足賑項卽應停止仍請

皇上俯鑒于報停之日將現行各例再寬展一年可得輸  
助二十萬臣另疏議展童生捐例內再分二十萬其  
用必濟矣使江南水利全功旣奏賦額常盈更可墾  
闢荒土增益稅糧人民殷富

國用自饒推此而行之天下利益有不可勝言者如果  
臣言不謬伏候

命下之日臣當確勘通塞緩急估計工料土方將未盡事  
宜再疏題

請力加撙節以毋負我

皇上培養斯民之盛心斷不敢以空言涉欺罔之罪也伏



睿裁施行

康熙十九年二月初七日

命題奉

旨該部議奏

總理糧道督軍務巡撫江寧等處地方李少師兵部尚書錢寶琮院右副都御史品查級蘇天頌

題為災軍困苦堪憐仰懇緩徵漕項以弘寬恤事該臣

徐州衛康熙十七年分夏災田地先經勘明分

具

題部覆照例蠲免據都司以該衛順治十六年被災係

蠲麥豆不蠲軍需照例造具應免麥豆細數清冊詳

咨部臣以見今蠲免錢糧並無將漕項准蠲之例不

便准行遵行該司追徵完報去後今據都司李雲龍

詳稱徐衛頻年罹災軍不堪命即應辦十八年漕儲



尚難拮据今加以十七年被災不准蠲免之麥豆並  
徵于一時災丁實難完納請照州縣田地被災秋糧  
帶徵之例籲請

題緩臣查徐州衛康熙十七年分被災田地原經  
題准蠲免惟因麥豆係關漕項部覆不允自應仍遵定  
例止將軍需扣蠲另報第該衛被災困苦實與州縣  
一例見今康熙十八年分應納漕儲尙在拮据難完  
若將此不准蠲免之麥豆一時並徵則被災殘丁益  
深困苦查徐屬州縣康熙十七年分秋災田地應徵  
漕糧漕項業蒙部覆緩于康熙十八十九兩年帶徵  
在案今該衛雖係夏災而應徵之麥豆實係夏熟所  
出所當仰懇

皇上一視將該衛康熙十七年分災田應徵麥豆一例緩  
于十九年帶徵完解在

國賦原無虧損而災軍獲邀寬恤感荷

皇仁實無有既矣既據該司呈詳前來臣謹會同總督臣  
阿席熙帶管漕務總河臣靳輔合詞具

題伏乞



勅部議覆施行

康熙十九年二月初七日

題奉 無旨 題奉 無旨 題奉 無旨 題奉 無旨

旨該部議奏 欽此

于十六日奉 欽此

皇上 題奉 無旨 題奉 無旨 題奉 無旨 題奉 無旨

題為再陳災田無不完漕仰懇

部尚書 都察院副都御史 從品加二級 臣 慕天顏 謹

為 慈鑒 允分別本折寬徵以紓民力事 該臣 看得 臣 屬地

方 上年旱蝗災傷 臣 請折徵漕米部覆照被災輕者

半徵起運 臣 將災屬稍可輸納本色者悉遵部議徵

完一半起運惟念災荒最重之句容六合常熟武進

無錫江陰丹徒丹陽江都九縣九十分災田實係顆

粒無收萬難完漕 經 臣 再疏會題

請折部臣以京城需米緊要不便改折覆令徵半奉



旨咨行到臣等卽轉檄司道各官遵照徵收去後今據布政使丁糧道副使章欽文劉鼎以句六等縣災田漕糧萬難完辦議于本年冬季帶徵緣由具詳前來臣准漕糧供需軍國敢不悉心圖畫早裕

天庾但臣身在地方旣知災苦真情若不據實上陳有負皇上愛養斯民至意今此九縣災黎饑困現蒙

天恩俞准設廠賑濟臣日夕督率監賑各官煮粥散食惟恐其失所多方撫慰之不遑是應徵漕米之民卽此

嗷嗷乞賑之殘喘也見在餘生尙賴賑粟以延旦夕

安有餘粒辦完漕糶臣據催徵各官稟稱一奉半徵之數災民惟有號呼願甘受杖無力輸將等語則是

徒施敲朴斷不能刻限完兌更恐追呼迫切必致流離春耕在邇何以勸農力作且去冬旣已失收將來

麥熟亦僅足以資生况有現年地丁餉需應納仍難兼辦上年之漕若責其買米急公毋論客販久絕小民不能遠買于他方卽使有處可買而餬口不贍之窮民變鬻米價又需時日何以克遵現運漕限茲據



該司道激切籲詳請將句六等九縣康熙十八年半  
徵重災漕糧緩于十九年冬季一並帶徵完運臣查  
前題請折之數合計全徵不過二十餘萬今照半徵  
請緩爲數僅十萬餘石稍寬數月之限保全億萬災  
黎而秋成有望責令完輸于

無虧損伏懇

允紓民力以培邦本非淺鮮矣臣謹會同總  
督帶管漕務總河臣斯輔合詞具

奏部議覆施行

康熙十九年二月二十七日

題奉

旨該部議奏



啟奉

總理糧儲提督軍務巡撫江寧等處地方太子少師兵部尚書兼都察院右副都御史從一品加二級臣慕人

題為饑民望賑甚迫亟請

皇恩開濟事該臣看得臣屬地方被災饑民荷蒙

恩綸俞請設廠賑粥臣從開賑以來日夕料理以期規畫

至當俾得無冒無遺又于賑荒已奉等事案內臺臣

題准部覆奉

旨各處賑濟着督撫地方各官殫心籌畫設法料理務使

饑民均霑實惠各令得所以副朕愛養斯民至意是我


皇上視民如傷責望于臣等者甚切臣凜遵



天語時時爲有司告誡惟冀饑黎無一失所仰慰

宵旰殷懷今查淮揚徐三屬見藉河塩二臣酌賑江寧一屬督臣業已區畫另報臣所賑蘇常鎮屬饑民先經分委蘇常道叅議祖澤深督賑長洲吳縣蘇松督糧道副使劉鼎督賑武進無錫江陰宜興及常熟五縣江鎮道叅議石珍督賑丹徒丹陽金壇三縣嗣據各屬申報饑民名口已多至百有餘萬臣思就食之民旣衆恐不加約束或至擁擠冒濫隨經設立散籌登簿之法每日按名給籌凡婦女幼穉先行放進其







總領糧儲督軍務巡撫江寧等處地方太子少師兵部尚書兼都察院右副都御史從一品加二級 慕天顏謹

題為恭報微臣回署日期並陳查賑饑民情形仰祈

睿鑒事竊照臣屬地方上年災荒窮民饑困荷蒙

皇上恩俞發帑賑濟除江淮揚徐四屬饑民現經督河撫

諸臣分賑另報外臣所賑蘇常鎮屬饑民先于去冬

委道府縣各官開廠賑粥今春又委府佐分理監賑

仰體

浩蕩洪恩不令一民失所經春以來饑黎幸已存活迨二

月之杪臣念東作方興男婦逐日赴廠就食恐妨農



業是以飭行監賑各官按照實在饑民酌以麥熟爲期分別每名大口一斗小口五升一頓給米令各歸家力田仍恐散米或有偏枯須臣躬行遍歷查視乃臣自去秋憂早成瘁今春忽患火症尙在醫治然思賑饑一役我

皇上視民如傷如何真切若非臣單車小艇親到荒村周察民隱倘或窮陬僻壤有一失賑向隅何以仰副

皇恩臣于三月初四日力疾起行業經

題明在案初五日至無錫縣各鄉見北延區地方饑民

尙多鳩鵠之形呼號道左細詢之蓋因錫邑舊令韓文焜被叅去任之日報冊遺漏雖曾往各廠食粥今未領米以致奄奄欲斃臣飛撥米石調委蘇州府同知劉大慶卽日補給其他寫遠鄉畝亦有笑弱不能到廠領賑者一一按口散給而歡聲遍地此錫邑已無不賑之真饑矣初八日至武進各鄉村目擊饑民獨武邑更多先委糧道劉鼎查賑而地廣民稠萬餘之米難以周遍臣隨添辦米石再集紳廉耆老公議闔分各任各畝領米同時唱散若其中饑困不至極



甚者量減升數俾得均沾而武邑亦無不賑之真饑  
矣臣安插既定急棹扁舟歷宜興金壇丹陽災區或  
不通舟楫之處臣乘輿入山谷間逐加體訪老幼  
相率稱已領賑得延餘生及臣至丹徒地境緣臣前  
題令沙區助賑之米尙在勸輸未足山區災饑之民  
難以嗷待臣又立撥見米委知府蔣燦等悉心料理  
另飭藩司通盤握筭應補者還補應銷者報銷于是  
鎮屬三邑及宜興饑民次第皆沾實惠矣臣于二十  
日還舟至江陰起視饑民悉已受賑安生此先委蘇  
州府同知趙森督理頗稱得宜無濫無遺者也再至  
常熟則已賑之饑民惟額手呼頌

皇恩此該令林象祖與通邑紳廉貢士耆老同心協  
董其事分賑之公溥惟常邑爲最臣于二旬之內  
巡八邑之蔀屋窮簷每至一處先問其疾苦卽占  
九重愛養之深仁厚澤勸令及時勤耕以有秋臣遍觀  
各邑村落皆向日鷄犬桑麻之地廬舍比人烟轉  
密真所謂財賦輿區而一旦蕭條如此實因上年之  
災爲三十年來所未經見者若非我



皇上堯舜爲心破格蠲恤廣行賑救烏能起百萬之溝瘠而登之衽席臣敢不縷晰以慰

睿懷臣查賑事畢業于三月二十三日回署訖除賑過武無江宜常徒陽壇八縣及臣先賑長吳二縣饑民名口動用銀米數目現行藩司核造俟詳報之日另疏具

題外所有各邑現在情形微臣回署日期合先密疏題報伏乞

睿鑒施行  
康熙十九年三月二十七日 題

總理糧儲提督軍務巡撫江寧等處地方太子少師兵部尚書兼都察院右副都御史從一品加二級臣慕天顏謹

題爲亟叩

題蠲以拯子遺事該臣看得桃源一邑界連宿沐逼近黃河地處下流因康熙十六年楊家庄決口自宿遷奔注由桃入沐一派汪洋田沉人徙康熙十七年彙入水災案內

題報止蒙部覆照例蠲免其實沉地未涸流民未復所以康熙十八年丁糧及節年舊欠無從徵辦屢據該司府詳據士民呈詞請照宿沐二邑




題請停徵臣念軍需浩繁未敢遽行率請再四駁勘今  
據該司詳覆前來臣查桃源縣陸成等鄉田地界處  
宿沐之中因楊家庄決口未塞目今宿沐二邑田地  
仍淹未涸則桃源之田亦屬波臣田地既無可耕流  
民何從歸業徒事追呼望洋莫濟若不亟加撫恤將  
來子遺勢必日就逃亡

國計有損無益况宿沐二邑久荷

皇恩停徵俟地涸民回再議起徵則桃邑災黎均同赤子  
自難岐視臣在地方民生疾苦何敢不以





卷

卷



月二十六日題本月三十日奉

旨各省被災應賑地方所需錢糧若干應令各該撫預行核筭具題着九卿詹事科道會議具奏欽此該臣等公

同會議得山東巡撫施維翰疏稱東省今歲春夏亢旱二麥焦枯自夏徂秋雨暘不時又遭虫災秋成失望照秦省捐納之例倣而行之以救東省被災之民等語戶部議覆現今軍前捐納今山東省若令捐納則赴軍前捐納者少仍行該撫勸諭本省文武官員及紳衿富民人等捐輸如有饑民卽行賑救等因具



題奉

旨各省被災應賑地方所需錢糧若干應令各該撫預行核筭具題着九卿詹事科道會議具奏欽此查近據直隸山東江南督撫疏稱今歲春夏亢旱秋成失望被災之處黎民以致饑饉等因相應行令直隸山東江南巡撫被災之處如有應行賑救饑民一面賑救一面將所需銀米若干速行核筭具題以副

皇上軫恤饑民至意若將並未被災不至饑饉之民捏稱饑饉及不行核筭冒開錢糧具題被科道糾參或該部查出將該撫從重議處其餘俱照戶部所議可也  
康熙十八年十一月初五日會議具奏本月初七日奉

旨依議欽此欽遵抄部送司案呈到部移咨到臣准此隨經飭行江蘇布政司移行道府各官查明被災各邑賑救饑民所需銀米先行核筭詳報以憑具  
題去後節次飭催今據布政使丁思孔詳稱奉此該本司案查被災州縣荷蒙本部院連章入

告得邀



皇恩賑濟饑黎莫不踴躍歡呼扶老攜幼赴廠就食惟是應需銀米雖開賑之先卽行各屬核筭造報據稱就食之民日逐增減不一必俟賑濟完日始可稽其實數自難預爲懸定再四飭查據蘇屬長吳常三縣常屬武無江宜四縣鎮屬徒陽壇三縣約報饑民統計百有餘萬本司念切錢糧匱乏之秋倍宜樽節一面備將各縣約賑總數緣由先于饑民望賑等事案內詳蒙院臺

題明一面仰遵院檄諄切告誡嚴飭監賑各官悉心調

度加意節省凡面無饑色可以自存者無容冒濫糜

費驗係真正饑苦之人按名散籌給粥俾得盡沾實

惠賑至仲春復蒙本部院軫念各鄉東作方興民事

難緩赴廠食粥恐妨耕作責令監賑道府丞倅各官

按照實在進廠食粥饑民酌以麥熟爲期分別大小

名口一頓給米令各歸家力田又蒙院臺親臨各縣

遍歷郊原體訪凡有遐陬僻壤孱弱不能到廠領賑

者一按口散給不令一夫失所莫不額手呼頌

皇恩此皆院臺苦心碩畫布置得宜下吏得以竭力奉行



並無冒濫遺漏所有本部院監賑蘇常鎮三屬應需米石數目復經查據蘇州府詳據長洲縣開報約賑饑民二萬二千八百餘名口約需米五千九百四十餘石柴價銀六百七十六兩零吳縣開報約賑饑民一萬五千四百餘名口約需米四千二十餘石柴價銀四百五十七兩零常熟縣開報約賑饑民三萬五千九百餘名口約需米六千七百四十餘石柴價銀六百四十七兩零通計蘇州府屬三邑約共饑民七萬四千二百餘名口共需動帑買米一萬六千七百餘石柴價銀一千七百八十餘兩又據常州府詳報武進縣開報約賑饑民一十九萬三千三百餘名口約需米五萬二百六十餘石柴價銀五千七百二十餘兩無錫縣開報約賑饑民九萬一千五百餘名口約需米三萬三千八百餘石柴價銀二千七百九兩零江陰縣開報約賑饑民五萬七千八百餘名口約需米一萬五千四十餘石柴價銀一千七百一十餘兩宜興縣開報約賑饑民四萬九千七百餘名口約需米一萬二千九百四十餘石柴價銀一千四百七



十餘兩通計常州府屬四邑約共饑名二十九萬二千四百餘名口共需動帑買米一十萬二千四十餘石柴價銀一萬一千六百一十餘兩又據鎮江府詳報丹徒縣開報約賑饑民六萬九千九百餘名口約需米一萬三千九百九十餘石內除沙區助賑已完米四千一百石外實需動帑買米九千八百九十餘石柴價銀一千三百九十餘兩丹陽縣開報約賑饑民五萬四百餘名口約需米一萬八千餘石柴價銀一千八百零金壇縣開報約賑饑民五萬六千七百餘名口約需米一萬一千二百五十餘石柴薪銀

十一百三十四兩零通計鎮江府屬三邑約共饑民一十七萬七千一百餘名口共約需米三萬五千四百餘石內除丹徒縣沙區助賑已完米四千一百石外實需動帑買米三萬一千三百餘石柴價銀三千五百四十餘兩并據各該府咸稱需用鍋桶家伙等物尙未計筭此皆約畧之數相應先行呈報仍俟查明動用確數另造清冊呈送本使司核明轉請報銷等情到司據此該本司查得蘇常鎮三府屬通共約



計饑民六十四萬三千八百餘名口共約需米一十五萬四千一百四十餘石內除丹徒縣沙區出粟助賑已完米四千一百石外實需動帑買米一十五萬四十餘石每石價值一兩五六錢不等約需銀二十三萬二千五百六十餘兩又煮粥柴薪每米一石需柴二百三四十斤不等每柴一百斤約價七八分不每米一石約用柴價銀一錢六分應需銀一萬六千一百四十餘兩米薪二項通共約計應需銀二十四萬九千五百餘兩其府屬粥廠需用鍋桶家伙

等物尙未計筭惟是各邑開賑原有先後食粥饑民亦有增減不一按口散米又有大口小口及饑苦不至極甚者分別酌賑是以動用米石俱未能預爲懸定謹就約畧之數開報總俟各縣報到數當卽核實轉達斷不容有冒濫又揚屬原蒙


題明移會鹽院分賑比江都一縣係鹽院駐節之地目覩災黎困苦堪憐多方鼓勸好義商民捐資賑粥惟是饑民衆多商捐有無接濟至麥熟之時業奉院檄轉行該府縣確查如捐米可賑至麥熟則不動正項



如難以接濟令其動項員米補賑俾得接至麥熟以  
彰

皇上上視之仁但有無動用若干尙未報到未能懸定至  
高郵寶應興化等各州縣皆地方磽瘠勸募無從不  
得不動正項賑救先據揚州府詳據高郵州開報約  
賑饑民三萬三千餘名口共約用米九千七百三十  
餘石寶應縣開報約賑饑民三萬九千八百餘名口  
共約用米一萬一千七百四十餘石興化縣開報約  
賑饑民一萬五千餘名口共用米四千四百二十餘







五萬四千一百四十餘石內除丹徒縣沙區出粟助賑已完米四千一百石外實需動帑買米一十五萬四千餘石每石價值一兩五六錢不等共需銀二十三萬一千五百六十餘兩又煮粥柴薪每米一石需柴二百三四十斤不等每柴一百斤約價七八分不等每米一石約用柴價銀一錢六分應需銀一萬六千九百四十餘兩米薪二項通共約計應需銀二十四萬九千五百餘兩此就各縣次第開賑煮粥及續行散米之後不用柴薪俱經除去約筭之數也至需



用鍋桶家伙等物尙未筭入又揚屬災民原係鹽臣分賑江都一縣經鹽臣布哈鼓勸好義各商樂輸給賑臣恐饑民衆多商捐有無接濟至麥熟之時現飭該府縣確查如捐米可賑至麥熟則不動正項如難以接濟另行動項買米補給其高寶興三州縣先據約報饑民八萬七千八百餘名口約買米及柴價共需銀四萬四千二百餘兩但據報開賑之後哀鴻漸集日有所增尙難定數至如通儀等邑悉皆勸捐賑救卽有不敷所動無幾矣但蘇常鎮揚各邑開賑旣

係先後不同每日食粥饑民亦增減不一按口散米又俱分別大小酌賑則支用錢糧必俟賑完之日各屬報齊始可稽其實數原難預爲懸定今所共需用前項銀兩不過約畧之數尙有增減務期核實節省造報不致冒銷再查各屬給賑米內有江西採買米石應俟報銷之日另行扣筭又徒邑沙區未完米石應俟催完筭補除見在嚴飭藩司通盤筭明應補者還補應銷者報銷統俟造到各州縣細數另行核確題報外所有先據該司詳報約計饑民名口所需銀米



總數合先具

題伏乞

皇上睿鑒勅部查照施行

康熙十九年四月二十日

題奉

旨該部議奏

總理糧儲提督軍務總撫江寧等處地方太子少師兵部尚書兼都察院右副都御史從一品加二級臣慕天顏謹

題爲瀝陳災屬漕米實難措辦再疏仰懇

皇仁俯允徵麥兌完恤災黎以敷支放事該臣看得臣屬

地方上年慘遭旱蝗奇災重災田地顆粒無收饑民

遍野窮困難堪之狀臣歷經繪陳業荷

皇仁饑溺爲懷特差部員踏勘破格加蠲動帑賑濟此誠

不世出之

洪恩也惟是漕糧係關軍儲例不蠲免而災田失獲措輸

無術經臣先疏陳



請將各屬災漕懇邀康熙九年災折之例槩予折徵以紓  
民困部臣以支放在京官兵俸餉不敷不允改折令  
將災田漕米緩半徵輸部臣籌

呈國恤民已為兼至第米從田出田既無收饑民救死不  
暇何從完辦漕糶臣仰體

國儲難缺再四圖維故又將各屬災傷酌量輕重分別  
半徵全運督令徵輸祇將災荒最重之句六等九縣  
九十分重災田地漕米再疏

請折而部臣仍以京城需米緊要不便改折覆令仍照輕  
者徵收起運斯時兌運既難刻緩而此各屬之災黎  
日赴粥廠就賑苟延殘喘縱令竭蹶追呼鳩鵠窮黎  
安能設措惟有徒迫逃亡耳臣身荷

國恩何忍以我

皇上惠養賑救之民復令失所是以復據司道會詳三疏

瀆陳

請將九屬應徵半運災漕寬至康熙十九年冬一並帶徵

完運鵠望

睿慈鑒允庶億萬遺黎可以少甦困阨不謂部議仍不允



從臣接閱邸抄卽飭司道酌議設法勸輸迨准部文  
又經飭行去後茲據糧道副使劉鼎會同布政使丁  
思孔江安糧道章欽文呈詳前情臣查句容六合常  
熟武進無錫江陰丹徒丹陽江都九縣上年旱蝗災  
傷實屬異常深重災田漕米萬分難措故臣不避斧  
鉞屢疏請折再疏請緩上贖

宸嚴部臣終以支放不敷不允停緩臣敢不祇遵勸勉微  
輸以副持籌至意第此九邑上年不特災田全無粒  
米卽僅存熟田久旱之餘亦所獲無幾勉輸糧折之

久餬口無資顛沛流離死亡枕籍仰

皇仁浩蕩特允開例動帑賑救得以稍延溝瘠卽此買賑  
之米臣俱購自遠方江南實無餘粒久在我

呈上睿鑒之中今此重災田地應徵半運漕糧若必責饑  
民以米完兌實屬無從購辦臣惟部臣再三不允折  
緩者祇以俸餉支放不敷爲慮耳今計臣屬未災州  
縣及災邑熟田全徵并災田半運本色漕米業已督  
令徵兌全完盡數開行北上矣所未完者惟此九縣  
重災田地半運漕米十萬餘石今各屬二麥已值收



獲之時雖係饑民續命之膏藉此資生播種但災民感沐賑救

洪恩自當諭令勉輸惟是以麥易米則不但積災之餘商賈絕少就近無購買之處災子災黎亦何能遠涉貿販徒迫迫呼愈致流離東作無人秋收何望該司道會議以麥代運之請亦屬萬不得已之情臣非不知歷來京漕無麥兌之例然苟可設法斷不敢累賣

宸聰因臣親行賑濟日擊災黎情狀委係萬萬無米可徵不得不冒昧爲民請

命臣查淮屬宿沐贛三縣因地不產稷轉購艱苦前經河

漕督臣題奉

俞旨允徵粟米起運在案茲句六等九縣因災無米轉購維艱暫以麥代後不爲例諒亦我

皇上一視矜憐者也且京軍食麩北地風土皆然兼得磨麩飼馬亦屬相宜况以十萬餘石之麥在

京儲搭放不過升斗兼支

天庾旣無不敷之慮而災民得有更生之望此實國計民生兩相調劑之法也用敢籲懇



皇上破格俞允行臣遵奉飭催補徵兌運以竣漕務茲據  
該司道會詳前來臣謹會同總督臣阿席熙帶管漕  
務總河臣靳輔合詞具

題伏乞

睿鑒迅賜勅部議覆施行

康熙十九年五月十五日

題奉

旨該部議奏

撫吳封事卷之六



